



Zenica, 02.10.2017.godine

Svim predškolskim ustanovama,
osnovnim i srednjim školama,
Univerzitetu u Zenici

PREDMET: Čestitka, dostavlja se

Drage nastavnice i nastavnici, profesorice i profesori, svi zaposleni u odgojno-obrazovnom procesu, u ime Ministarstva za obrazovanje, nauku, kulturu i sport Zeničko-dobojskog kantona i u svoje lično ime, čestitam Vam Svjetski dan prosvjetnih radnika (5. oktobar/listopad), koji se i ove godine slavi u preko stotinu zemalja svijeta, pa tako i u Bosni i Hercegovini.

U povodu Svjetskog dana prosvjetnih radnika, želimo Vam čestitati i izraziti zahvalnost i poštovanje na trudu i znanju koje prenosite i strpljenju kojim darujete našu djecu vodeći ih do novih vrijednih spoznaja, školskih ali i životnih.

Hvala Vam na doprinosu odgoju i obrazovanju dosadašnjih, ali i budućih generacija mladih ljudi koji su naša svijetla tačka i budućnost.

Naš je zajednički cilj sretno djetinjstvo naše djece, njihovo kvalitetno školovanje i perspektivna budućnost te društvo u kojem ćemo uspješnost mjeriti njihovim osmijesima.

Stoga nastavite pobuđivati duh slobodnog mišljenja i potičite i dalje autonomiju, inicijativu, osjećaj individualnosti i identiteta kod učenika i studenata.

Želimo Vam sretan Dan prosvjetnih radnika uz obilje sreće i zdravlja i ne gubimo vjeru da zajedničkim radom možemo našim učenicima i studentima pružiti ne samo kvalitetno školovanje već i sigurne temelje za budućnost.

S poštovanjem,

DOSTAVLJENO:

1 x Naslovu

2 x a/a, 03-01



MINISTAR

Mensur Sinanović